



Broj: 02-11-1569/24-AP-10

Datum: 02.09.2024. godine

Na osnovu člana 25. i 70. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/22 i 6/23) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Sanacija skladišta za opremu za službe zaštite i spašavanja u gradu Zavidovići- prostorije UG Vatrogasno društvo Krivaja Zavidovići“, Gradonačelnik Zavidovića, donosi

ODLUKU

Član 1.

Prihvata se preporuka Komisije za javne nabavke, te se Ponuda ponuđača „EKOPRATIK“ d.o.o. ZAVIDOVIĆI za javnu nabavku radova „Sanacija skladišta za opremu za službe zaštite i spašavanja u gradu Zavidovići- prostorije UG Vatrogasno društvo Krivaja Zavidovići“, sa ukupnom cijenom od 16.850,80 KM (slovima: šesnaest hiljada osam stotina pedeset i 80/100 KM) bez uračunatog PDV-a, odnosno 19.715,44 KM (slovima: devetnaest hiljada sedam stotina petnaest i 44/100 KM) sa uračunatim PDV-om, prihvata kao NAJPOVOLJNIJA PONUDA.

Član 2.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenj kopiji) u roku 5 (pet) dana od dana prijema Odluke.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

O b r a z l o ž e n j e

Odlukom Gradonačelnika broj 02-11-1569/24-AP-2 od 01.08.2024. godine pokrenut je postupak dodjele ugovora za javnu nabavku radova „Sanacija skladišta za opremu za službe zaštite i spašavanja u gradu Zavidovići- prostorije UG Vatrogasno društvo Krivaja Zavidovići“, putem otvorenog postupka za koji je dana, 02.08.2024.godine upućeno Obavještenje broj 1374-1-3-110-3-102/24 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 22.08.2024. godine do 12,00 sati dostavljene su 3 (tri) ponude i to ponude sljedećih ponuđača po prijemu prispjeća:

1. „EKOPRAKTIK“ d.o.o. ZAVIDOVIĆI; 2. STOLARSKA RADNJA „PAŠIĆ“ ZAVIDOVIĆI vl. Pašić Nermin; i 3. „BN TRANSPORT“ d.o.o. ZAVIDOVIĆI.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da je pristiglo ukupno 3 (ponude) ponuda, da su sve blagovremeno zaprimljene i da su sve ponude ponuđača formalno ispravne i tehnički zadovoljavajuće.

Nakon provedenog postupka e-aukcije dana, 29.08.2024. godine, Komisija za javnu nabavku Grada Zavidovića dostavila je Dopunu Zapisnika o pregledu i ocjeni ponuda broj: 02-11-1569/24 od 30.08.2024. godine na Zapisnik o pregledu i ocjeni ponuda broj: 02-11-1569/24-AP-2 od 26.08.2024. godine u kojem je izvršila rangiranje ponuđača kako slijedi:

| R/br | Naziv/ime ponuđača | Ponuđena cijena bez PDV-a |
|------|-------------------------------------|---------------------------|
| 1. | „EKOPRAKTIK“ d.o.o. ZAVIDOVIĆI | 16.850,80 KM |
| 2. | „BN TRANSPORT“ d.o.o. ZAVIDOVIĆI | 16.892,80 KM |
| 3. | STOLARSKA RADNJA „PAŠIĆ“ ZAVIDOVIĆI | 17.093,80 KM |

Ponuda ponuđača „EKOPRAKTIK“ d.o.o. ZAVIDOVIĆI u postupku javne nabavke radova „Sanacija skladišta za opremu za službe zaštite i spašavanja u gradu Zavidovići-prostorije UG Vatrogasno društvo Krivaja Zavidovići“, sa ukupnom cijenom od 16.850,80 KM (slovima: šesnaesthiladaosamstotinapedeset i 80/100 KM) bez uračunatog PDV-a, odnosno 19.715,44 KM (slovima: devetnaesthiljadasedamstotinapetnaest i 44/100 KM) sa uračunatim PDV-om, je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.


Cijeneći pravilnost provedenog postupka dodjele ugovora o javnoj nabavci radova „Sanacija skladišta za opremu za službe zaštite i spašavanja u gradu Zavidovići-prostorije UG Vatrogasno društvo Krivaja Zavidovići“, te datu preporuku od strane Komisije za javne nabavke, odlučeno je kao u dispozitivu ove Odluke.


POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Obradio/la: 
(Sanela Mulahasanović)

Kontrolisao: 
(Midhat Bajramović)

GRADONAČELNIK

doc.dr. Hašim Mujanović

